

myArgo - L catalogh complessif dl Südtirol.

Truepa lueges – un n azes

Crì - abiné - scuvierjer

L catalogh complessif dl Südtirol myArgo dà la puscibltà de crì tl medemo tēmp te plu de 4 milions de media analogs y digitei y obiec, danter chisc libri, imajes, grafiches, DVDs, audiolibri/CDs, eBooks, eAudios, zaites, revistes, fotografies storiches, opres d'ert y obiec museai.

Chisc media vën dai catalogs dla biblioteches publiches talianes, tudëscas y ladines y dala biblioteches dla scoles, dala Biblioteca provinziela Dr. Friedrich Teßmann, dala Biblioteca provinziela taliana Claudia Augusta, dal Zēnter multilinguel de Bulsan y dala Mediateca linguistica de Maran, dala biblioteches online Biblio24 y Biblioweb, dal portal de media LeOn dl Ufize film y media, da Teßmann digital, dal catalogh di bëns culturei dl Südtirol, dal archif de imajes y dala biblioteca de servisc dl Archif provinziel dl Südtirol, dal Indesc provinziel dla frabiches sot a defendura di bëns culturei (browser di monumēnc) y dal portal Open-Data dla Provincia autonoma de Bulsan.

L ie per chësc a despusizion na lingia de puscibleies de selezion y filtrazion (danter l auter aldò dla ntredes nueves, di raions, dla biblioteches, di archifs y di museums singuli, dla sortes de material, di ani de publicazion y cunsëies d'età) coche nce de funzions (danter l auter la indicazion dla despunibltà di media, dla galleries de imajes ntegres per la reprejentazion de obiec, n cunliamēt diret tres link ai nserimēnc uriginei ti catalogs curespundēnc, la puscibltà de partì media y obiec tres canai social media, na comunicazion automatica tres e-mail tl cajo de ntredes nueves a profii de crissa salvei, curones da se njeniē ite a na maniera liedia per salvé media y n raion de utēnza individuel cun la puscibltà de cunliē i conc bibliotecheres esistēnc.

L Catalogh provinziel complessif www.myArgo.bz possa unì cherdà ju te uni mumēt!

myArgo ie n proiet EFRE dla Repartizion Cultura tudëscia dla Provincia de Bulsan y dla Biblioteca provinziela Dr. Friedrich Teßmann.

efre·fesr
Südtirol · Alto Adige

Europäischer Fonds für regionale Entwicklung
Fondo europeo di sviluppo regionale



EUROPEAN UNION



AUTONOME
PROVINZ
BOZEN
SÜDTIROL



PROVINCIA
AUTONOMA
DI BOLZANO
ALTO ADIGE